

Fasnacht 2024

R
u
e
c
h
e

I
n
f
o





Inhaltsverzeichnis

Vorwort	3
Aktivi Mitglieder	4
Apéro	5
e chline Rückblick	6
Umzüge / Kontaktadresse	9
Klatsch & Tratsch am Wiehnachtsmärt	11
35 Jahre Dorfplatzrueche Prattele	14
Gönnerbitrag / QR Code	18/19
Klatsch & Tratsch	20





Vorwort

Liebi Gönner und Fründe vo de Dorfplatzrueche

“All Joor wider” heisst’s doch so schön, das Mol trifft das au uf uns Dorfplatzrueche zue. Hämer doch letschti Fasnacht unser 35. Jubiläum gfiert, dörfe mir scho wieder fiere. Und will’s so schön gsi isch grad nomol. Wieso, weshalb, warum läset ihr im spezielle Bricht wo mir für de Fasnachtsführer vo Pratteln gschribe händ. Mir erlaube uns dä au im Rueche-Info dri zmache.

Nüt Neus git’s vo de Aktive; Kei Itritt und zum Glück au kei Ustritt und au die 3 Kiddies sind wieder voll am Start.

Au mache mir alli Umzüge wie gwohnt mit (isch au in dem Rueche- Info uglistet). Für alli wo’s nonig wüsset, d’Prattler Kinderfasnacht findet neu am Fritig am 3i statt.

Was hingeneglich blibt isch natürlich dr Aperio am Sunntig nachem Umzug. Mir hoffe dr Petrus het das Joor besseri Luune und mir dörfe bi Sunneschin und nit bi Sauchälti und Schnee mit euch zämme astosse.

Uns blibt wie alli Joor wieder, euch e tolli Vorfasnacht z’wünsche, blibet gsund und mir freue uns jetzt scho abem Sunntig 18. Hornig s’Fasnachtstriebe dörfe usläbe...

Im Name vo de Dorfplatzrueche

Dr Obmaa Thomi





Aktivi Mitglieder

Thoams Meier

Ron Schneider

Markus Lenorits

Petra Bielser

Tiziana Stern

Luca Stern

Simon Schneider

Alena Schneider

Adrian Hug



Apéro am Fasnachtssunntig

Wenn:	Sunntig 18. Hornig 2024
Wo:	Flint's Kientierpraxis, Hauptstrooss 19
Wer:	Alli Gönner, Fründe und die wo's no wärde wänd





e chline Rückblick 1/2

Sujet: Mir schwinge syt 35 Joor durch d'Fasnacht

Mir dörfe das Joor jubiliere,
und mit userem Sujet brilliere.
Guet bi 35 Joor tuet me nit feschte,
mir aber scho, mir ghöre zu de Beschte.
Genau wie im Summer in de Hülftte hinte,
wo sie dr bescht Schwinger wänd finde.
Das Sujet wird einigi Mol cho,
au vom Komitee so händ mir's verno.
Aber unser Sujet isch e Pracht,
„Mir schwinge syt 35 Joor durch d'Fasnacht“.

Das ESAF das vergässe mir nie,
probiere mit unserer Clique Parallele zieh.
Agfange het's mitem Aschwinge,
grad direkt nach dr Nationalhymne singe.
Dr erschi Gang wär gar nit sündig,
bi uns im 1988 unseri Gründig.
Denn die erschi Fasnacht, uns wird's hüt no Angscht und Bang,
dass wär am ESAF denn dr zweiti Gang.
Denn goht's witer Maa gege Maa,
jeder isch sicher 4 Mol dra.
Das nennt me in Fachkreis Usschwinge,
und söll die Beschte witerbringe.
Am ESAF wär's Gang drei und vier,
mit zwüschedure Wurst und Bier.
Bi uns wär's gueti Sujet z'finde
und dr Wage drmit kreiere vo vorne bis hinte.
Au s'Koschtüm muess passe vo Larve bis Sogge,
so wie e guet glungene Wyberhogge.
So händ mir's immer gmacht, das isch woahr,
im Cliqueläbe wäre dass öpe die erschte 15 Joor.
Aber es isch jo no witer gange,
um Dorfplatzrueche hesch nie müesse bange.
Ganz im Gegensatz mir müent das do nenne,



e chline Rückblick 2/2

zu dene wo am Sunntigmorge müent Farb bekenne
und es im Gang fünf und sächs nümme richtig bringe,
eifach nümme so super schwinge.
Für die isch es denn fertig an und für sich,
heisst bim Schwing fertig im Usschtich.
Fertig sind mir aber nonig gsi
und schwuppdwupp sind mir scho 30 Joor drby.
So e Leischtig het scho si Glanz
und mir verdiente do drfür e Chranz,
genau wie die am ESAF im Summer,
wo dr siebti und achti Gang gschaftt händ ohni Chummer,
guet überstünd und stolz sind uf sich,
die sind nämli im Chranzusschtich.
Am Schluss wärde die beschte 15 bis 18 Prozent,
ja das händ au mir erkennt,
belohnt miteme Eichelaub-Chranz,
dr Eint oder Ander macht e Freudetanz.
Doch dr Schlussgang dä chunnt jo no,
wenn die 2 Beschte tüent zämmegriffe und sich gegenüberstoh,
bis dr Eint mitem Rugge s'Sagmähl berührt
und e ganzi Arena zum Juble verführt.
Dr Joel Wicki das müent mir anerkenne,
dörf sich neu „Schwingerkönig« nenne.
Doch zugg zu uns Dorfplatzrueche
mir möchte s'Schwinge nit versueche,
stattdesse wänd mir lieber Fasnacht mache,
die Tradition pflege und drby au lache.
D'Vorbereitige sind oft sehr lang,
drfür händ mir jedes Joor unsere Schlussgang.
Bim Ertöne vom Böllerschuss
erläbe mir d'Fasnacht voller Gnuss,
denn im Gegensatz zum ESAF, das isch verby,
sind mir Joor für Joor witerhin drby.
Wie hüt mit 4 Ehredame und 4 Schwinger,
drum goht die Fasnacht au viel ringer.

Die nächshti Fasnacht im 2024 tüent mir scho bueche,
drum gniesset d'Fasnacht und bis bald Euri Dorfplatzrueche.



Wiehnachtsfoti 2023





Umzüge und Kontaktadrässe

Umzüg wo d'Dorfplatzrueche teilnähme:

Sunntig, 18. Hornig 2024	14.00 Uhr	Umzug Pratteln
Mäntig, 19. Hornig 2024	14.00 Uhr	Umzug Frenkendorf
Frytig, 23. Hornig 2024	15.00 Uhr	Umzug Pratteln (Kinderfasnacht)
Samschtig, 24. Hornig 2024	15.00 Uhr	Schlussstraich Muttenz

Kontaktadrässe:
Thomas Meier
Muttengerstrasse 35
4133 Pratteln
metorage@gmail.com

Meldet doch beim nächsten Umzug Eure neue Adresse, damit unser "Heftli" Euch wieder findet.

Änderungen an die Kontaktperson melden





d o r f p l a t z r u e c h e - p r a t t e l e . c h



BIELSER HOF

Hauptstrasse 51, 4133 Pratteln
061 821 55 04, info@bielser-hof.ch
www.bielser-hof.ch

> **Apéro, Raclette, Käsefondue oder Buurebrunch**
Für Ihren Anlass mitten im Dorf auf unserem Hof

> **Wir liefern Fruchtekörbe an Firmen**
Diverse Früchte, je nach Saison

> **Hunde und Katzen Futter**
Primafu Barf-Futter für Ihren Liebling

> **Weihnachtsbaumverkauf**
ab dem 10. Dezember in der Hülften



Klatsch & Tratsch am Wiehnachtsmärt 1/3

Am Wiehnachtsmärt ganz im Vertraue
dörfe mir am Samschtmorge euses Zält ufbaue,
das goht denn alles Hand in Hand
will mir jo schnell fertig si wänd.
Bim Material usem Ahänger hole, tuet sich dr Thomi bange,
und meint: "Achtung Megge vor dim Chopf hets e Querstange!"
Paar Minute später hauts ihm, dem arme Chind
vor luter Schnurre fascht sälber d'Querstange an Grind.

S`Peti vo Null uf Hundert bringe
das goht nümme so schnell, mir chönne es Liedli drvo singe.
Doch de Bäcker het das locker gschaftt,
drby het dä jo gar nüt gmacht.
Was isch drby wenn me die falsche Brötli het
und nit die ohni Schnitt wo me gärn wött.
Doch dr Adi euse Stangefondueexpert
het de Chäs wie immer locker dryglehrt.

Am Wiehnachtsmärt tuet dr Thomi gärn Tisch dekoriere
Manderinli, Nüssli, Schoggeli in Täller und Chärtli für d'Ruechelatte platziere.
Dr Thomi rieft plötzlich „Do uf dem Chärtli stoht jo uf beidne Site öpis druf?!“
Das fällt ihm das Joor s'erscht Mol uf.

Sit Joore wüsse mir es isch bekannt,
es git es grosses Servicetalent,
doch sitem letschte Wiehnachtsmärt wie me jetzt weiss,
gits no e Andere ganz heimlichfeiss.
Die Zwei händ guet harmoniert
und unserne Gäscht professionell serviert.

Mir müend euch au leider brichte,
uf d' Manuela und Tomi händ mir als Helfer müesse verzichte.
Drfür händ Vera und Claudine, mir si begeischeret,
eimol meh e super Isatz gleischtet.



Klatsch & Tratsch am Wiehnachtsmärt 2/3

Apropos externi Hälferli,
do fällt uns natürlich no öber i,
zum erschte Mol drby mit gueter Luune
chunnt mängmol chuun noch mit stuune,
het sich das Joor super integriert,
ja Stefan, bisch fürs nächschte Joor adoptiert.

Nachem Chuchi irichte merke mir bald,
hüt blibt d`Chuchi glaub chalt.
Plötzlich kei Strom und alles ohni Pfuss
mir Dorfplatzrueche chömet nümm druss.
Schnell em OK Elektriker telefoniert
und die händ wieder alles installiert.
Doch 30 Minute vorem Start,
das isch den mega hart,
liegt wieder die ganz Chuchi still
das isch öppis wo me sicher nit will.
Also nomol de Elektriker phone,
die düent mir hüt gar nit schone,
die sind geistig scho bereit
und händ für uns e neu Leitig gleit.
Mir hoffe sie händs ufeme Plan notiert,
nit das nächst Joor wieder s`Gliche passiert.

Am Fritig vorem Wiehnachtsmärt seit dr Thomi am Morge:
“ Das chleine Cliqueschild macht mir Sorge,
dr Waggis chönnt es Samichlaus Mützli ha
und au Schneeflöckli wäre no cool, jaja.”
Und scho het Géraldine das Schild ufe gholt
und die Wünsch spontan drufgmolt.
Es trocknet zum Glück über d`Nacht
und stoht am nächste Tag vorem Zält voller Pracht.



Klatsch & Tratsch am Wiehnachtsmärt 3/3

Apropos Zältufbau do händ mir glacht
mir händ uf die halbi nüni abgmacht.
Dr Wisschopf Thomi das müesse mir verzelle
het scho am halb achti afo ufbaue welle.
Er isch jo scho en Schatz
stoht aber denn ganz allei ufem Dorfturnhalleplatz.
Lütet schnell im Tizi a:
“Chönnt ich Hilf vo euch Dorfplatzrueche ha?”
Dr Wisschopf goht den in Finkbeiner zum Znüni,
will jetzt weiss au er, die andere chöme erscht am halb nüni.
Mir händ en Tip dä isch nit vermässe,
tue doch d’Mail 2 Mol dureläse zum nit Vergässe.

„Wo isch dä dummi Schlüssel für dr Wasserhahne?
Ich muess Wasser hole zum Hörnli choche, nuntefahne!“
Alli frogt s’Tizi, suecht und tuet am Ron no riefte
sogar ihri Hosesäck tuet sie überprüefe.
Dört isch aber das dumme Ding au nit dinne,
sondern es liggt in dr Bain-Marie drinne.

Bim T-Shirt alege am Samschtig het's Tizi e Wirrlete gmacht,
am Obe bim Abzieh het sie den glacht.
Sie het am Morge s’Shirt 2 Mol azoge,
will sie gmeint het es isch verkehrt, das isch nit gloge.
Zobe het sie gemerkt, das s’Zetteli vorne isch und s’Logo hinte,
jetzt muess me ihre sogar e Gebruchsaleitig zum richtig Azieh dra binde.



35 Jahre Dorfplatzrueche Prattete 1/2

Wie ihr sicher im Vorwort gseh händ,, dörfe mir das Joor nomol 35 Joor fiere. Wieso, weshalb, warum chönder im Bricht unte nocheläse wo mir für dr Prattler Fasnachtsfuehrer gschribe händ. Us dem Grund isch das au dr einzig Tekscht in Hochdütsch.

35 Jahre Dorfplatzrueche Prattete

Fasnacht 2023, wir Dorfplatzrueche Prattete feiern das 35. Jubiläum.

Oktober 2023, der Komiteeobmann Peter Lüdin teilt uns mit, dass wir kommende Fasnacht das 35. Jubiläum feiern. Cool schon wieder Geburtstag. Aber wie heisst es doch so schön ? Man soll die Feste feiern wie sie fallen.

Natürlich haben wir nachgefragt wie es zu diesen unterschiedlichen Jubi Jahren kommt. Die Erklärung ist logisch wie einfach. Das Komitee zählt nur die mitgemachten Fasnachten (Ausnahme war das Jahr 2020 weil dort ja kurzfristig abgesagt werden musste und alle bereit gewesen wäre) und wir Dorfplatzrueche rechnen seit der Gründung. Zumal wir ja auch durchs Jahr aktiv sind.

Da wir ja immer positiv sind freuen wir uns die nächsten 35 Jahre immer zwei mal Jubiläum feiern zu dürfen.

Nun aber etwas über uns. Wir sind eine gemischte Wagenclique, zwei Weiblein und vier Männlein. Dazu kommen noch drei Kinder. Ja, Kinder an der Fasnacht haben bei uns eine lange Tradition. So waren/sind bis jetzt dreizehn Kinder dabei. Es waren die eigenen Kinder oder Gottekinder von Aktiven. Leider verliessen und alle irgendeinmal und so hoffen wir auf die aktuellen Drei, dass sie eines Tages bei uns als Aktive mitmachen. Wir dürfen sagen, die Chancen stehen gut, zumal sie seit letztes Jahr ebenfalls mit Larve auf dem Wagen sind.

Bei den Aktiven gab es natürlich auch immer wieder wechsel. Aber wir dürfen mit Stolz sagen, seit etwa fünfzehn Jahren haben wir die gleiche Besetzung. Von balla-balla bis chaotisch ist alles dabei, aber wir ergänzen uns optimal und alle möchten das gleiche: Jahr für Jahr eine tolle Wagenbauzeit, tolle Umzüge und natürlich mega Fasnachtspartys.

Aus diesen Gründen sieht man uns auch nicht nur in Pratteln sondern ebenfalls in Frenkendorf, MuttENZ und logischerweise an der Prattler Kinderfasnacht.

Aber auch unter dem Jahr sieht man die Dorfplatzrueche. So dürfen wir etwa alle zwei Jahre das Aussenzelt am Banntag betreuen.



Plakette 23/24





35 Jahre Dorfplatzrueche Prattele 2/2

Und natürlich unser ganzer Stolz. Unsere Beiz am Weihnachtsmärkt Pratteln. Was mit einem Stand angefangen hat ist mittlerweile zu einem Zelt mit verschiedenen Getränken und Speisen gewachsen. Es ist immer wieder erfreulich das uns jedes Jahr die gleichen Besucher aufsuchen, und uns sogar suchten wenn wir wiedermal den Standort vom Zelt wechseln mussten.

Zum Schluss wagen wir einen Ausblick auf die kommenden Jahre: Also an der Fasnacht 2024 sind wir sicher noch dabei.

Was im 2025 ist ??? Nein, Spass aufs Velo: Solange wir noch Spass und Freude an der Sache haben, werden wir immer ein Teil der Fasnacht sein. Und sollten mal die ersten altersbedingte Gebrechen kommen, wird's halt hinter dem Wagen statt einer Treppe einen elektrischen Rollstuhl - Lift geben.

In diesem Sinne ein Hoch auf die kommenden Jahre.....

Eure Dorfplatzrueche Prattele



Hauptstrasse 42 413 Pratteln Tel: 079/901 92 18 www.hair-cornelia.ch





Gönnerbitrag

Dorfplatzrueche Pratteln

IBAN CH45 0076 9439 9820 1200 1

Und wieder landisch uf dr Gönnerbitrag-Site
die git`s all Joor, das isch unbestritte
denn es weiss jedes Kind, dr Hund und au s'Schätzeli
Fasnacht mache, choschtet e chli Bätzeli
klar zahle mir Aktive öpis y
und au vom Wiehnachtsmärt chunnt öpis dry
das längt leider nit, dass isch eso
drum si mir um euch Gönner froh
den jede zahlt was er will
kei Franke isch zwenig oder zviel
Aber vor einere Sach chönne mir euch leider nit schütze
ihr müend jetzt der neu QR Code benütze
stosch technisch vorere unbezwingbare Wand
drucksch dr Bitrag eifach imene Aktive in d'Hand
mir möchte uns jetzt scho e Mol bedanke
über jede überwieseni Gönnerfranke.



Stefan Häring

Geschäftsführer
Mobile: +41 79 671 37 70
haering@thommenmaler.ch

thommen maler ag | Ramlinsburgerstrasse 1 | 4415 Lausen
Telefon +41 61 901 20 40 | Fax +41 61 901 20 45
info@thommenmaler.ch | www.thommenmaler.ch

Bitte berücksichtigen Sie unsere Inserenten, denn Sie berücksichtigen auch uns.



QR-Code Gönnerbeitrag

Dorfplatzrueche Pratteln

IBAN CH45 0076 9439 9820 1200 1





Klatsch & Tratsch 1/5

Letscht Joor am Brunch am Sunntig Morge
meint Tizi zu uns voller Sorge:
“Looset guet zue was ich euch verzell
häbet d`Larve nit am Schnabel, das isch die schwächschti Stell.”
Denn zwanzig Minute vorem Umzug hol's dr Geier
wem bricht dr Schnabel, natürlich im Meier!
Tizi seit:” Das tuet mir d`Närve raube,
usgrächnet du, das channi nit glaube.”
Dr Megge stoht ganz locker drnäbe
und goht schnell hei go liime und chläbe
so fangt dr Thomi dr Umzug mit dr falsche Larve a,
bis er nach dr halbe Rundi wieder sini gflickti cha ha.

Sit Joore tüent mir übere Kaffi es Versli bringe
wo irgend öpis am Wagebau nit will glinge.
Natürlich muess das au dis Joor so si,
es sind sogar mehreri Sache gsi.
Kaffi alo, weglaufe und vergässe
das passiert vor oder nachem Ässe
und das ziemlich genau
eimol sicher pro Wagenbau.
Doch amene Samschtig sind mir irritiert,
isch das doch wüerkli grad Dreine passiert
und Wuche druf das isch verchehrt.
het eine dr Zucker statt in Becher in Abfall gleert.

Syt letscht Joor mir tüents schwöre
chamer uns scho vo witem ghöre.
Du chasch ufem Wage vorne und hinde
obe am Dach Nebelhörner finde.
Dr Ron het die das Joor wieder montiert,
doch dr Thomi het sie Veto platziert,
denn jedes het si eigeni Melodie,
doch welli isch scho wieder wo gsi?
Zum das schnell usefinde,
losst dr Ron die laufe vo hinde.
Dr Thomi lütet schnäll am Tizi a
und frog: “Hesch du die Melodie bi dir vorne gha?”
Sie bestätigt das voller Gnuss,
so das dr Ron wieder alles wechsle muss.
Das isch halt so, mir säges voller Entzücke
wenn zwei Tussis d`Taschte tüent drücke.



klatsch & Tratsch 2/5

Über Plakette chunnt au immer öpis vor,
isch au immer es Thema Joor für Joor
die witishti Distanz das finde mir toll,
isch dr Wäg bis ins Tirol.
Doch in dem Joor das isch nit schiter
gohts sogar nochli witer,
denn in Bolivie das liegt in Südamerika
händ`s Prattler Fasnachtsplakette a.

Nachem Umzug frogt d Alena: "Isch das en Orde
oder bisch du beförderet worde?"
Dr Thomi meint: "Nei das het en andere Grund,
das isch Zugsplakette wo jedi Clique bechunnt:"
Sie meint so Eini würdi sie au gärn ha,
doch d`Prattler blibt bim Obmaa.
Aber en Vorschlag, de isch au nätt,
mir händ no Plakette vo de andere zwei Städt.
Und scho hämer en Deal gha,
mitem Simon und dr Alena.
Beidi dörfe e Zugsplakette ha,
drfür müent sie am Wagenbau dra.

Jetzt no öpis s`isch nit zum Lache
und tuet de Dorfplatzrueche Sorge mache.
Mir sueche spötischstens ab Mai,
für unsere Wage es neus Dehei!
Mir würde ihn ei Wuche nach dr Fasnacht bringe
und wieder hole churz nachem Wiehnachtslied singe.
Am liebschte deckt, muess aber nit si
mir packe dr Wage sowieso immer i.
Wer öpis weiss, bitte mälde bi de Dorfplatzrueche
so das mir nümme müesse witer sueche
Mir säge jetzt scho emol Danke
und klar mir au öpis zahle in Schwizer Franke.



Klatsch & Tratsch 3/5

Kürzlich fährt eine vo uns go schaffe,
er gseht die Plakat wo di alli agaffe.
Denn dänkt er so, bini no am penne
oder tue ich dört druf nit über kenne?
Bim nächschte Plakat d`Gschwindigkeit reduziere
und die Köpf genauer studiere,
denn gseht er und das het ihn irritiert
das isch wüerkli s`Tiziana wo kandidiert
und wer weiss, das isch jetzt ganz ohni Arroganz,
villicht händ mir nächscht Joor ufem Wage e Polit-Prominenz.

D`Rueche-Info drucke mir im Copy-Shop
dr Service isch dört immer Top.
Alles wird genau checkt,
vielleicht het sich jo en Fehler versteckt.
Doch letscht Joor nachem Drucke e riese Schock
im Büechli het's e mega Bock.
Carmen meint: "Das cha me so nit verschicke,
ich tue nomol uf drucke klicke."
Am nächschte Tag bim Abhole, das isch eso
het sie als Dankschön e Merci Schachtle übercho.

Mir händ jo öper wo viel dichtet
er het sich do drzue verpflichtet,
zum Leidwäse vom Tizi das isch wohr,
wo bim Korrigiere bechunnt graui Hoor.
Will er het halt scho e lustige Dialäkt,
au sini Grammatik isch nit grad gschläckt.
Doch sit dem Joor es isch konfus,
chunnts Tizi sälber nümme drus,
will das Ganze macht au Sinn
sie het jetzt au no berndütschi Wörter drin.



Klatsch & Tratsch 4/5

Jede Wagebau-Samschtmorge
 macht uns Eine e bitzeli Sorge,
 mir chönnte ihm e Agenda chaufe
 so muess er nit immer froge was tuet laufe
 doch öpis Positivs het die Sach
 so wüsse mir wenigsten er isch wach
 au an sini Chinder tüent mir denke
 und ihne uf nächscht Joor e Wecker schänke.

Mir dörfe jedes Joor das tuet uns imponiere
 dr Wage in dr Fasnachtswuche bim Solbus deponiere
 und Joor für Joor wänd mir's woge,
 und gönd dr Beat und Karoline go froge.
 In dem Joor gönd sogar Zwei,
 so isch dr Thomi nit allei.
 Bim Smalltalk tuet dr Thomi usehaue:
 "S'Peti will öpis froge, chumm tue di traue."
 Sie luegt ihn ganz entgeischteret a:
 "Bin ich das Joor mit froge dra?"
 Er meint denn nur und tuet ihre winke:
 "Meinsch bisch numme do zum Kaffi trinke?"



- Augst
- Basel
- MuttENZ

www.gauglerbrot.ch

061 811 10 08



d o r f p l a t z r u e c h e - p r a t t e l e . c h



SolBus AG

Zurlindenstr. 13, 4133 Pratteln
info@solbus.ch www.solbus.ch
+41 61 823 22 44



Gediegene Busreisen mit dem Culinaria Magnifica II

Ungestresstes Reisen in einem Bus, dessen Ausstattung keine Wünsche offen lässt – dies bietet das kleine Reiseunternehmen SolBus AG in Pratteln. Die Angebotspalette reicht dabei von Tagesfahrten in der Schweiz, Kurztrips in angrenzenden Ländern, bis hin zu ausgedehnten Rundreisen etwa nach Norwegen, in den Süden Englands oder Sizilien.

Details finden sich im neuen Katalog oder online.





Klatsch & Tratsch 5/5

Mir si um unseri Gönner froh
 das isch nit gloge das isch eso.
 Jede oder jedi wo neu chunnt
 git für uns zum Juble e Grund.
 Die alte Gönner wüsse und warte,
 jedes Joor ufs Büechli und Wiehnachtscharte.
 Leider isch binere Neugönnerin öpis schiefgloffte
 und ihri Wiehnachtscharte het sich verloffte.
 Also besser gseit es isch folgendes passiert,
 ihri Adresse hät me nit in dr Datei notiert.

Ab und zue si Dorfplatzrueche bi dr Tizi dehei,
 meischstens alli zämme, also keine allei.
 Ob Brunch, Sitzig oder Helferässe,
 vielleicht hann i no öpis vergässe.
 Was ich aber sicher weiss
 und dä Gedanke macht mi heiss,
 eine vo uns het es hells Chöpfli,
 liest immer Geolino-Heftli ufem Töpfli.

RESTAURANT GEHRENACKER



Fam. W. Wyss, Oberfeldstrasse 21
 4133 PRATTELN Tel. 061/821 52 52

Treffpunkt für Jung und Alt
Große Glace Auswahl
schöner Garten & grosser Parkplatz

Auf ihren Besuch freut sich Fam.W.&J. Wyss

Tel. 061/ 821 52 52

Dienstag Samstag 08.30 - 23.30

Sonntag 9.30-16.00 Uhr, Montag geschlossen





Bürgergemeinde Giebenach



Oberholzstübli

„Ihr Raum für jeden Anlass...“

in Giebenach

Auskünfte und Reservationen

Christian Venturini
079 889 57 00
ohs@bg-giebenach.ch